

晚晴簃詩匯

第七二册

晚晴簃詩匯卷一百八十四目錄

閨秀

王靜淑 五首

王端淑 十二首

徐安吉 四首

馬氏 一首

徐昭華 四首

顧姒 二首

林以甯 十六首

毛媿 四首

錢鳳綸 二首

馮嫺 四首

吳綃 七首

柳是 七首

顧橫波 三首

董白 二首

周炤 三首

吳芳華 一首

葉子眉 一首

王素音 三首

呼祖 二首

林瑛佩 四首

郝湘娥 三首

李氏 四首

胡瑗 三首

周淑履 五首

毛秀惠 四首

胡蓓桃 一首

竇氏 三首

色他哈 二首

孫淑 一首

周巽 一首

周氏 一首

何氏 一首

聶含玉 二首

韓氏 一首

王飛瓊 一首

王氏 一首

姚履敬 五首

孔麗貞 三首

孔淑成 一首

孔昭蕙 一首

孔傳運 二首

孔繼坤 三首

孔繼孟 二首

孔素瑛 二首

孔繼瑛 二首

孔蘭英 二首

顏氏 二首

丁氏 一首

許權 四首

章有湘 十九首

章有渭 五首

范姝 一首

惲冰 二首

龔靜照 四首

浦映綠 三首

謝瑛 一首

徐氏 一首

彭氏 五首

徐元象 一首

姜桂 一首

梁頤 二首

張柔嘉 二首

程瓊 七首

李文慧 二首

陳靜淵 一首

張貞 一首

劉若蕙 一首

李氏 一首

霍雙 二首

范貞儀 三首

謝秀孫 二首

林氏 四首

陳瑞麟 一首

黃幼藻 四首

黃幼繁 一首

李氏 三首

楊淑貞 四首

曹炯 三首

龍氏 一首

韓韞玉 一首

錢紉蕙 五首

陳秀貞 五首

楊素書 一首

潘孟齊 一首

陳克毅 一首

徐珠淵 四首

張昊 二首

張昂 一首

邵笠 一首

鄧繁禎 一首

吳彩霞 一首

張繁 八首

顧英 一首

張令儀 十七首

張若燭 一首

張似誼 二首

宋素梅 二首

莊德芬 四十六首

蔣季錫 四首

鍾令嘉 十二首

陸鳳池 二首

陳氏 一首

曹錫珪 二首

曹錫淑 二首

曹蔚文 二首

宋景衛 二首

方京 三首

楊珊珊 一首

吳受竹 十首

杭澄 三首

高氏 一首

張佛繡 十二首

姚允迪 九首

郭步韞 十四首

鮑之蘭 二首

鮑之蕙 三首

鮑之芬 三首

雷氏 二首

李學溫 五首

李學慎 十首

劉氏 一首

金順 三首

杭溫如 二首

陳結璘 一首

晚晴移詩匯卷一百八十四

閨秀

徐世昌

王靜淑字玉隱號隱禪子浙江山陰人思任長女陳樹勳室有清涼集青藤書屋集

詩話玉隱早寡詩才與妹玉映相伯仲名爲玉映所掩

初夏偕玉映妹游山

欲覓清幽處山高恐不深閒雲飛別岫野鳥定花陰荀嫩留饑採茶香待渴吟深閨無限意觸景破愁心

秋日菴居

空齋渡深夜高卧一牀秋苔老渾無色溪清淺欲流塵隨紅葉掃心付嬾雲收蕭瑟聞征雁空歸萬籟休

贈鄰姬

梅影疎窗瘦衾裯薄又寒侍兒不解意指月上闌干

九日遲玉映妹不至

細雨淒風阻雁行竹籬茅舍薄羅裳登樓嬾看黃花瘦山
老林紅一夜霜

柳

乳燕黃鶯三月時春風拂地柳垂垂長條不繫行人住猶
向江南送別離

王端淑字玉映別號映然子浙江山陰人思任女諸生

丁肇聖室有玉映堂集吟紅集

詩話玉映長於讀史工詩善書能對客揮毫兼繪花
草有疎落蒼秀之致父季重常曰身有八男不易一
女毛西河選浙江閨秀詩獨遺玉映玉映寄西河詩
云王嬙未必無顏色怎奈毛君筆下何輒有名媛文
粹詩緯歷代帝王后妃
古今年號名史愚行世

蓬門

骨傲豈隨俗甯攀山鬼鄰舒雲聊作帳集葉戲爲茵鳳嶺
知難效鹿門且耐貧殘篇任意讀不羨騎麟麟

明妃夢回漢宮次浮翠軒吳夫人韻

一自明妝出未央空留遺恨在昭陽琵琶曲盡關山淚環
珮聲歸塞上霜宿雁殘更移曉幕依人落月下空牀舊時
縱有三秋怨不及穹窿此夜長

爲龔汝黃題黃皆令畫

孤亭秋樹色卽是雲深處寫此數峯青倒逐扁舟去

宮怨

長門春鎖月溶溶繡柱金鋪翠自封忽聽馬蹏驚欲曙多
年不候景陽鐘

明倫彙編 家範典 一
代外贈別毛大可

西冷月落板橋霜
衰柳長隄祇自傷
幾日窮愁兼別怨
一帆秋色帶斜陽
浮雲影逐離亭路
歸雁聲淒碧草塘
學採芙蓉江上去
黯然回首恨茫茫

病中喜新月

促織頻催懶寒衣
猶未成起牀
忘骨瘦著履覺身輕
青帝飄飄散姮娥
冉冉情秋懷無所處
共月結新盟

貧病有感

纔已行貧運
偏增新病魔
燈花虛擬結
鵲語幾番訛
鍼指能生睡
詩篇強自哦
寒風吹瘦骨
酌茗亦陽和

代瘡子懷玉尺弟

凋殘花萼失芳叢
嗟爾天涯我孰同
鴻雁序離悲夜月
鵲

鴿詩就泣東風
縈牽夢隔西江
杳淪落音難越
水通景物觸懷
思切切何時攜
手歎飄蓬

鄰婦

鳥聲初囀墮花春
靜女幽妝采落蘋
臉映芙蕖嬌且豔
眉修清月淡無塵
一泓秋水留西子
半幅輕綃寫洛神
秀色共餐飢可樂
不才忝已在東鄰

雨中桃花

寒風微透入淒清
過雨夭桃色易傾
鶯涇羽衣憐豔冶
苔傷花影譜心旌
飛煙乍掩爐峯失
新草萎殘曲徑荒
拾得落雲天已暮
遠林遙聽墮春聲

吳巖子徵和起句原韻

榻占西湖第一樓
垂簾落影咽雲流
含香燕入歌聲裏
避

月花飛點案頭驚
嶺青來描錦字
蒹葭碧處繫春舟
阮公清嘯江生筆
贏得輕煙紙上幽

長隄梅格漸生香
疊入奚童舊錦囊
離緒征帆寒雁遠
移文秀筆淡山光
花含碧玉裁清珮
雲映芝眉翦綠裳
解得苑鶯調柳色
束紅凝目望華章

徐安吉字子貞上虞人王鼎室

雜詩

浮生甯有涯
性靈不可天
適自理晨妝
遙見東方曉
初風半吹竹
寂寂聞嘯鳥
地僻我亦閒
日對南山小

山中詠

老楓俯大谿
數枝浮水面
清風與之俱
吹落秋紅片
落日危孤峯
柴門雀喧轉
短草動夕陽
寒塘石清淺

古意

柳色欲輕黃
朱樓人自傷
愁來無洛浦
夢去有高唐
寶鏡空懸架
榴裙驗取箱
誰書桐葉字
墳草變鴛鴦

春詞

西樓殘月子
子規情幾樹
梨花照水橫
自抱琵琶廊下坐
含愁撥得兩三聲

馬氏字靜音會稽人

生烜兒誌喜

良辰屈指及秋元
喜見明珠耀小軒
今日人皆稱似祖
他年汝莫媿爲孫
秋風丹桂非無種
福地仙桃信有源
佇看綵衣娛白髮
禎祥重與細評論

徐昭華字伊壁上虞人咸清女諸生駱加采室有徐都

講詩集

詩話仲山與毛西河游會西河過其家傳是齋座客方滿伊壁出謁西河命賦畫蜨詩信口立成一座大驚其母與女兄越中稱伯仲商夫人俱以能詩名伯商夫人有女湘君繼起而伊壁名更藉甚一時有都講之目陳迦陵序其集云問其桑梓干秋西子之鄉詢彼絲蘿四傑駱丞之壻

桃葉渡歌

可憐桃葉渡落日行人暮雙槳打清波春風緩送桃葉過
祇今桃葉渡頭稀艇子江頭歸不歸

因探親吳門同虞夫人游虎邱

閩門日出晴鴉噪兩槳閒尋虎邱道宿霧猶含隄上花流
雲已渡波間藻紅欄上下傍水行畫船歌吹來傾城迴帆
不盡摻摻意轉慢時聞過曲聲斜峙山橋甫能住香車早
趁山塘去滿街梔子未開花幾樹垂楊自飛絮到門知是

梵王宮臺榭連雲曲徑通棕棚覆葉沾茶碧漆柱遮油賣
杏紅我尋生公舊法席褰裳一上生公石龍剽絕壁尙留
池虎去中林杳無跡登山四望更無山但見山藏古寺閒
繞地松楸看去密空庭塔影落來圓修廊詰曲幾回度又
聽歸鴉噪前路夕陽一片寺門邊不識眞娘在何處

塞上曲

朔風吹雪滿刀鐙萬里從戎何日還誰念沙場征戰苦將
軍今又度陰山
長雲衰草雁行平砂磧征人向月明思婦不知秋夜冷寒
衣還未寄邊城

顧奴字啟姬錢塘人諸生鄂曾室有靜御堂集翠園集

詩話啟姬工詩並精音律與柴季嫺林亞清錢雲儀
馮又令張樵雲毛安芳稱蕉園七子結社聯吟詩會

合刻其在京時有花憐昨夜雨茶憶故山泉之句都
人傳誦宋牧仲贈鄂友輿詩有云閨中有良友茶憶
故山泉似此驚人句難爲贈婦篇啟姬代幼輿
爲蟹字韻詩又所製詞曲佳句漁洋甚賞之

毛安芳輓歌

憶昔當春時壽君慚不文未幾聞君喪奄忽如流雲流雲
過眼空悲怨大火西流時倏變玉樓金屋網蟪蛄西風葉
落空深院淒涼寶瑟掩餘音慘淡菱花冷釵鈿尙憶當年
對鏡人鏡中鸞死悲嬌面織錦詩成那得聞墨池寒浸琉
璃片不知何處弔君魂草白憐青望中見

題林亞清畫

梅花竹葉互交加濡墨淋漓整復斜憶得昨宵明月下橫
拖疎影上窗紗

林以甯字亞清錢塘人御史錢肇修室有墨莊詩鈔鳳